

Na osnovu člana 16. stav (2) Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 9. stav (2), a u vezi sa članom 13. stav (4) Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj: 32/17), Vlada Zeničko-dobojskog kantona, na 29. sjednici, održanoj dana 14.11.2019. godine, d o n o s i

**ODLUKU**  
**o imenovanju Vijeća za razvojno planiranje i upravljanje**  
**razvojem u Zeničko-dobojskom kantonu**

**Član 1.**  
**(Predmet Odluke)**

Ovom Odlukom se imenuje Vijeće za razvojno planiranje i upravljanje razvojem u Zeničko-dobojskom kantonu (u daljnjem tekstu: Vijeće Zeničko-dobojskog kantona).

**Član 2.**  
**(Sastav Vijeća)**

Vijeće Zeničko-dobojskog kantona se imenuje u sljedećem sastavu:

1. Premijer Zeničko-dobojskog kantona, predsjednik,
2. Gradonačelnik Grada Zenica, član,
3. Gradonačelnik Grada Visoko, član,
4. Načelnik Općine Kakanj, član,
5. Načelnik Općine Doboj-Jug, član,
6. Načelnik Općine Usora, član,
7. Načelnik Općine Maglaj, član,
8. Načelnik Općine Žepče, član,
9. Načelnik Općine Olovo, član,
10. Načelnik Općine Vareš, član,
11. Načelnik Općine Tešanj, član,
12. Načelnik Općine Breza, član,
13. Načelnik Općine Zavidovići, član,
14. Rukovodstvo Skupštine Zeničko-dobojskog kantona  
(Predsjedavajući i dva zamjenika predsjedavajućeg Skupštine), članovi,
15. Predsjednici Klubova poslanika Skupštine Zeničko-dobojskog kantona, članovi.

**Član 3.**  
**(Zadaci Vijeća)**

(1) Vijeće Zeničko-dobojskog kantona je tijelo Vlade Zeničko-dobojskog kantona koje ima savjetodavnu ulogu u procesima definisanja, implementacije, monitoringa, evaluacije i izvještavanja o realizaciji razvojnih prioriteta u Zeničko-dobojskom kantonu i djeluje u skladu sa principima partnerstva i saradnje propisanim Zakonom o razvojnom planiranju i upravljanju razvojem u Federaciji Bosne i Hercegovine.

(2) Osnovni zadaci Vijeća Zeničko-dobojskog kantona su razmatranje i davanje preporuka:

- a) o ključnim razvojnim prioritetima u Zeničko-dobojskom kantonu;
- b) o strateškim dokumentima Bosne i Hercegovine, Strategiji razvoja Federacije Bosne i Hercegovine, Strategiji razvoja Zeničko-dobojskog kantona, sektorskim strategijama Zeničko-dobojskog kantona i njihovoj međusobnoj usklađenosti, a prije njihovog dostavljanja Vladi Zeničko-dobojskog kantona na razmatranje;
- c) o strategijama razvoja jedinica lokalne samouprave i njihovoj usklađenosti sa strateškim

- dokumentima Zeničko-dobojskog kantona;
- d) o razvojnim programima koji zahtijevaju zajedničko djelovanje različitih institucija Zeničko-dobojskog kantona i jedinica lokalne samouprave, a u okviru Strategije razvoja Zeničko-dobojskog kantona;
  - e) o godišnjim izvještajima o implementaciji strategije razvoja i sektorskih strategija Zeničko-dobojskog kantona;
  - f) o problemima i razvojnim potencijalima Zeničko-dobojskog kantona za razmatranje u okviru Vijeća Federacije Bosne i Hercegovine;
  - g) u pogledu drugih poslova iz oblasti razvojnog planiranja i upravljanja razvojem u Zeničko-dobojskom kantonu.

(3) Po potrebi, u okviru Vijeća Zeničko-dobojskog kantona osnivaju se sektorska vijeća koja imaju savjetodavnu ulogu u procesima definisanja, implementacije, monitoringa, evaluacije i izvještavanja o realizaciji specifičnih sektorskih prioriteta Kantona.

#### **Član 4.**

##### **(Način rada)**

Način rada i ostala pitanja od značaja za obavljanje poslova iz djelokruga rada Vijeća Zeničko-dobojskog kantona uređuju se Poslovníkom o radu.

#### **Član 5.**

##### **(Stručni i administrativni poslovi)**

Stručne i administrativne poslove za potrebe rada Vijeća Zeničko-dobojskog kantona obavlja Stručna služba za razvoj i međunarodne projekte Zeničko-dobojskog kantona.

#### **Član 6.**

##### **(Mandat članova)**

Mandat članova Vijeća Zeničko-dobojskog kantona je četiri godine od dana imenovanja.

#### **Član 6.**

##### **(Stupanje na snagu)**

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

**PREMIJER**

*Mirza Ganić*

Broj: 02-28-16899/19

Datum, 14.11.2019. godine

Z e n i c a

DOSTAVLJENO:

- 1x Stručna služba za razvoj i međunarodne projekte,
- 1x Imenovani, putem Službe za razvoj i međunarodne projekte,
- 1x „Službene novine Zeničko-dobojskog kantona“,
- 1x a/a.